

潛虛公祀海州名宦記



江南海州儒學為公舉從祀名宦等事案據廩增附生張敦
悌劉焮陶應榮張玉銘姚中孚李慶陞揚德注郭臨五張文
渭顧廷槐許齡李棣方薰許藩李櫻王宜古揚德鑑劉培望
李桂一周冕等以千秋理學正宗百代醇儒極則公懇詳入
祀祠以光

斯有治術

盛典事竊惟邦國興賢有教術膠庠造士重經師尤重人師時沾
化雨旣叨樂育於生前曾坐春風培切追思於身後本州儒
學故學正翁諱咸封起科桂籙發跡琴川貌沉言簡志潔行
端道宗鄒魯之傳理闡程朱之秘泣郊國而服官孝友推一



家之政遊聖門以觀海詩書激六藝之文我朐東瀕紫澗南
受黃淮訪前賢駟馬之門今無甲第塞舊治六塘之水古有
聖諭以化海邦朔望恭嚴鄉約啟講筵而主石室栽培敬篤人才
庚呼自公秉鐸十二年士風丕變救荒三萬戶民命咸蘇宣
闡揚節烈死而無力者必旌甄別生徒貧而能文者悉錄曰
之得其門而從遊益衆荐於鄉則獲雋連科且也贊成試院
以請並考三屬均免跋涉之艱倡修文廟而率諸生兩廡實
賴勸捐之力總裁郡中舊志文獻繁徵議疏郭外新渠米薪
便運乙丑春旱憂赤地撰禱辭以罪己甘霖大沛於雩壇丙

寅夏水決黃流奉星檄以渡人災黎咸登於衽席是以名達
公卿屢辭卓荐功存里社共奉長生惠澤固深入乎人心精
誠并默通於冥漠方期永昌黌序豈意忽返道山自昔年士
民戴德已足立朝野之官方在今日邦國酬勲更宜肅春秋
之祀典爰為備稽實行粘呈冊錄公懇加看申詳崇祀名宦
俯慰輿情公呈等情並具切結前來卑學看得已故本州學
正翁咸封賦性端方持躬清介道宗洙泗理闡程朱植矩懸
規允副人師之望履仁蹈義克端治化之原故其司鐸朐陽
也講身心之實學凡衣冠僞托者必絕其奇表勵品節之真

修凡言貌樸沈者更範之中正所以學校鮮青衿之刺正業
咸遵科名兆黃甲之登賢書屢薦且也試院始與力請於上
官而歲事海隅寒皎無長途跋涉之勞河渠新濬特採乎輿
論而贊成山邑窮民免遠道輓推之苦是以已溺已飢撫卹
災黎不使一夫之不獲民坊民表闡揚苦節何止百世之不
磨凡所措施悉徵實效教澤既深入乎人心事功允宜享夫
祀典官方無忝久為憲府之所深知風化長新永使士民之
所嚮慕崇之名宦允愜輿情理合取具廩增附生甘結加具
印結造具事實備文申送仰祈

憲臺電核加看轉詳深為德便為此叙由另冊具詳伏乞
照詳施行

計呈送

事實冊結各十套

江南海州儒學今於

與印結為公舉從祀名宦等事實結得

已故海州學正翁咸封者質純日璧教振緇帷為士闡理學
之宗旨服官矢廉潔之素修既立言而立德亦正己而正人
故品其文學洵無忝於宮墻而論其事功允宜享夫祀典輿
情攸協事實堪稽中間不致捏所具印給是實

具甘結廩增附生張敦悌劉煇陶應榮張玉銘姚中孚李慶
陞揚德注郭臨五張文渭顧廷槐許齡李棟方薰許藩李櫻
王宜古揚德鑑劉培望李桂一周冕今於

與甘結為公舉從

祀名官等事實結得已故海州學正翁咸封者質純白壁教
振緇帷為士闡理學之宗旨服官矢廉潔之素修既立言而
立德亦正己而正人故品其文學洵無忝於宮墻而論其事
功允宜享夫祀典輿情攸協事實堪稽中間不敢冒結所具
切結是實

事實照原呈造詳

道光四年八月十九日詳州

欽加府銜江南海州直隸州正堂加十級紀錄十次許 核看

得已故本州學正翁咸封秉性清廉持躬謹恪嘉言懿行宗
洙泗之淵源崇樸黜浮闡朱程之理學詩書擷六藝之華琴
川鍾秀文史足三冬之用桂籍流芬鐸胸陽羣沾化雨服官
海澨咸仰陽春通舟楫於河渠因民所利啟講筵於石室課
士有方拯卹灾黎社席籌救荒之策表揚苦節閭閻仰旌善
之風惠政咸孚輿情盡協官箴克守

祀典宜崇

十月二十三日申詳各憲

具公呈歲貢生張敦悌姚中孚廩增附生劉焮張玉銘李慶
升楊德注張文渭顧廷槐許齡李棣方薰許瀚李櫻楊德鑑
李桂一劉培望周冕張承鑽等為舉名宦願請從祀事竊惟
崇德報功之典

國恩不計官階循名責實之思公論允符秩祀茲有已故原任本

州儒學學正翁

諱

者品潔行端功垂名立教術能兼治

術經師亦作人師講

聖諭以化海濱闡理學而開石室得其門者菁莪載詠薦於鄉者
桃李聯芳倡修文廟以率諸生兩廡賴勸捐之力贊成試

院而請并考三屬免跋涉之艱督疏郭外新渠總纂郡中佳
志溯自丙寅之夏迄乎丁卯之春水災較大於昔年

聖澤均霑夫實惠辛勤致疾師儒堪比勞臣黽勉宣

思撫字何殊循吏洵屬教官所罕見不獨士林之交孚輿頌如新

衆情允協生等前曾合詞籲請蒙

陞任巡撫部院陶咨商

督憲會題道光六年八月間奉

調任總督部堂琦憲駁以循分供職之員未能概請入祀且
原呈內稱為千秋理學正宗百代醇儒極則未免過當等因

在案伏思翁故宦遺澤在人久而益著勞績共傳夫荒政教
條能正乎人心似非循分供職者可比恭查

欽定學政全書內載嘉慶十四年浙省題請已故訓導費我仁從

祀名宦仰邀

恩准生等公核翁故宦政績事同一例惟故宦之子名心存者現

任詹事府左春坊左中允雖非九卿究與尋常題請者有間

合并聲明為此合詞再行公懇本學師臺大人據情轉詳

州憲大人俯采公論用報成勞得申蘋藻之虔大慰士民之

望謹呈

計呈

甘結一紙

事實冊壹本

道光拾壹年陸月

日

江南直隸海州歲貢生張敦悌姚中孚廩增附生劉焮張玉
銘李慶升楊德注張文渭顧廷槐許齡李棣方薰許瀚李櫻
楊德鑑李桂一劉培望周冕張承鑽等今

與甘結為公核官

績以光從祀事實結得已故原任海州直隸州學正翁
品端學邃績著名崇教以正俗為先功以救荒為大既日久
而論定非徒弟子私情亦實至而名符允協士民公望中間
不敢冒結所具甘結是實

道光拾壹年陸月

日

江南直隸海州歲貢生張敦悌姚中孚廩增附生劉焯張玉
銘李慶升楊德注張文渭顧廷槐許齡李棣方薰許瀚李櫻
楊德鑑李桂一劉培望周冕張承鐘等今將故宦原任海州
學正翁諱事實開造清冊呈送查核施行須至冊者

今開

一故宦翁諱

江蘇蘇州府常熟縣人乾隆癸卯科本省

第十九名舉人乙卯科會試大挑二等嘉慶三年選授海州
學正十五年四月十四日卒於官年六十有一
一故宦以興教化移風俗為己任每月朔望必具朝服恭讀

聖諭廣訓于鄉約所敷陳明暢環聽者率數百人約飭諸生必以禮法諸生有涉訟發學管束者公善視之為講易訟卦一章其人感泣卒為善士報舉優劣必得其實尤以表幽德勵薄俗為首務板浦鎮羅烈女殉其夫乾隆五十四年事也其家貧弟又執賤役無為闡揚之者公訪聞得實遂於嘉慶五年冬具牒申大吏獲

旌表如例其他激濁揚清之事不可枚舉士習丕變

一海州僻處海濱士氣淳樸

國朝以來舉于鄉者僅一人故宦到任後每月月課弗視為具文

必盡心誨誘凡經指授為文辭者皆有法度可觀從游者歲率數十人風氣蒸蒸日上嘉慶庚申科喬紹僑中式第八名舉人丁郊科許喬林中式第六名舉人丙子科許桂林中式第三十三名舉人道光辛巳科黃鴻業中式第五十八名舉人戊子科楊德昭中式第一百一名舉人皆故宦及門受業弟子也

一海州舊無書院嘉慶癸亥故宦請於前任知州後升陝西布政司唐諱仲冕擇城中隙地一區勅立書院數十楹講堂學舍寢廡庖湊咸備取宗石曼卿故蹟顏曰石室遠近生童

咸來肄業故宦一月六課手披數百卷講指畫娓娓不倦立
條教仿朱子白鹿洞學規揭諸堂庶其訓生徒也必以敦孝
弟勵品節為先肄業之士皆循循然有規矩又設義學一所
于城南擇諸生中行誼篤實者為之師絃誦之聲盈於里巷
一海州舊無試院士皆就試于淮安每遇學使者歲科試之
年輒正月而往三月而歸歸而州試試已復往六月乃歸士
子居距淮安遠者五百里近亦不下二三百里往返四周輒
一二十里歷時半年春初冒雨雪盛夏觸暑熱士甚苦之乙
丑歲故宦請於前任知州後升陝西布政使唐諱仲冕改書

院為試院請學使者按臨歲科併試以省士子跋涉之勞學
使入

奏得

旨先行甫鳩工而唐公調任通州凡董役之事皆故宦一身任之
三月歲功不愆于素丙寅春學使即按臨考試至今寒素皆
感故宦之德

一海州 文廟歲久不修廡舍傾危鐘簴剝公為文募紳士
共成其志經始之謀實故宦首倡之
一海州舊志修于前明譚陋躡駁不可殫述

國朝以來文獻無徵百數十年矣歲甲子前任知州唐諱仲冕開局重修屬故宦與其門人許喬林總其事勒成三十二卷編輯精詳甄錄嚴慎故宦之功為多

一州城南面多山距水次較遠負返者以陸運為勞歲甲子故宦與前任知州唐諱仲冕共議開渠自板浦鎮屬之城東門凡四十里以通薪米鑿山開道數月而成名曰甲子河建橋跨之名曰甲子橋故宦實董其役迄今估帆雲集州人便之

一州境東瀕海南承黃淮下流北達沂西通沐沮洳斥鹵田

多堯堉又無圩塍溝洫早勞每易為災

朝廷發帑賑貸無歲無之州界遼闊印官不能遍稽恒分任諸屬吏吏胥輒因緣為奸故宦甫抵任是歲州境被水上官檄故宦分查大伊新壩諸鎮故宦誓於神曰所或侵賑一分者吾子孫為餓殍矣從一蒼頭挈襍被行里胥以雞黍餽立斥去按戶注口悉心鉤稽查一村畢即大書戶口實數若干極次貧若干榜諸村口墻壁烟戶冊有浮開者手刪除以鈐記封之里正指使游民分占額恒敗屋冒稱聞賑歸來者故宦皆識而懲之吏胥咸斂氣屏跡不敢為奸時家無宿儲妻子屑

芋和糝而食或嘗試以微詞則正色叱遣之履勘必用卑戶
孤丁墟落隔水輿礙易舟膠易騎躑則人負以往素有
羸疾觸風寒一病幾殆嗣後上官知其廉明每遇災必檄令
往勘壬戌冬新安厥吏侵尅賑錢適布政使先公諱福來勘
災民環而譁先公懲奸吏撤其委員復命按戶補給之顧故
宦曰無以易君故宦遂行匝兩月乃歸除夕塗中作詩曰馭
吏祇憑三尺法散財須得萬民歡蓋紀實也歲丙寅五月開
王營減水壩海州平地水深逾丈故宦被檄渡民保大伊山
諸高阜處冒風濤乘小舟徑過山腹觸石而沈易他舟僅而

得免往還指麾全活甚衆自夏徂冬撫賑紛紛卧未嘗貼席
也然竟以是致勞疾而卒

一故宦教人以經義治事仿安定教法有體有用故及門受
業諸人各以其才自見如原任直隸高陽縣知縣方渠前任
山東平陰縣許喬林皆政聲卓著有循吏風舉人許桂林廩
貢生喬紹傅皆敦品績學所著之書以尊聞行知為主其淵
源實出於故宦云

一故宦貌沈毅而言簡要其於榮利干進之念泊如也甲子
歲六年俸滿前升任知州唐諱仲冕欲保荐為縣令牒既具

矣力辭弗就閔居常謂諸生曰吾羸疾甚屢欲乞休念此邦
人士尚無捷南宮者吾得及身親見一人然後拂衣歸去於
願足矣竟弗如其願而卒卒之日士皆哭失聲其歸櫬也弟
子哭送者數人

海州儒學

李看語

早學看得已故海州學正翁公咸封賦性端方持躬清介理
沂程朱之秘學追洙泗之遺植矩懸規不愧人師之望履仁
蹈義克端教化之原故其司鐸朐陽也講身心之實學崇樸
黜浮勵品節之純修著誠去偽所以學校鮮青衿之刺正業
咸遵科名兆黃甲之登賢書屢薦且也創試院而贊成其事
海隅寒峻無長途跋涉之憂濬河渠而身任其勞山邑窮民
免遠道挽推之苦是以抱己溺己飢之念救災捍患俾窮黎
蘇命鞠躬幾瘁於風霜立民坊民表之經著微闡幽使潛德

生輝苦節必光於日月措施所在實效咸徵教澤既入乎人心德業宜昭夫祀典官方無忝久為憲府所深知風化長新永誌士民之嚮慕今復准公呈前來理合取具廩增附生甘結加具印結造具事實備文申送仰祈
憲臺電核如看轉詳深為德便為此叙由另冊具詳伏乞照詳施行須至詳者

司詳稿

為公舉等事奉

宮保總督部堂陶

批海州通詳已故學正翁

從祀名

官緣由奉批仰江寧布政司確核妥議詳奪仍候

學撫部院批示繳冊結存又奉

蘇撫部院程批開仰江寧布政司查明詳奪仍候

督學部院批示繳冊結存又奉

督學部院汪批開仰江寧布政司確查通詳核奪仍候

督部院批示繳冊結存各等因到司奉此查此案前于道光

六年間據該州具詳到司當經前司詳奉

憲批以循分供職未能概請入祀奉經轉行遵照在案今據海州詳據廩增附各生劉焯等呈稱翁故宦遺澤在人久而益著勞績共傳夫荒政教條能正乎人心似非循分供職者比恭查學政全書內載浙江題請已故訓導費我仁從祀名宦仰邀

思准查翁故宦政績事同一例援案由州取具事實冊結看詳前

來本署司伏查

學政全書內載浙江已故訓導費我仁立品端方居心醇厚

已邀

思准入祀名宦今已故海州學正翁

據該州廩增附各生呈

稱翁宦遺澤在人勞績共傳荒政教條能正人心似非循分供職可比請祀名宦與浙江題請已故訓導費我仁之成例相符自應仰邀

曠典以慰士民之望理合具情轉詳伏候

憲台會核具

題再已故海州學正翁

之子心存現任詹事府左春坊左

中允合並聲明除詳

撫憲外為此由另冊呈乞
照詳施行

計呈送冊結各一套

道光十一年十一月初九日申

江南海州儒學為公舉事奉
憲臺札開奉

布政司趙憲札奉

宮保總督部堂陶

批本司詳海州已故學正翁

從祀

名宦請

題緣由奉批查此案前于道光六年經

琦前部堂以查核該故員事實冊內並無出眾名譽亦無傑
出謀猷與入祀名宦之例諸多未協咨覆撫部院批示繳冊
結存又奉護撫部院梁批開現准

督部堂咨覆以此案前於道光六年堂經琦前部堂確核該學正事實既無出眾名譽亦無傑出謀猷直省教官似此循分供職恒不乏人豈能概請入祀名宦不敢曲順輿情濫請會

題致干部詰等因查案咨覆前來希再轉飭該州確查該學

正有無實在政蹟可考由司核議另詳辦理仍候

督部堂批示此覆前送冊結並發又奉提督學院廖批

開候撫部院會

題仍候督部堂批示繳等因各到司行州奉此合就飭發札

到該學立即遵照院批事理確切查明該故學正翁

有無實在政蹟可考尅日妥議詳州以憑核轉等因茲據廩增附生劉焮張玉銘李慶升楊德注張文渭顧廷槐許齡李棟方薰許瀚李櫻楊德鑑李桂一劉培望周冕張承鏞等為公舉名宦再籲從祀事竊惟崇德報功之典

國恩不計官階循名責實之思公論允符秩祀茲有已故原任本

州儒學學正翁

者經正民興官卑政卓教術能兼治術

經師尤重人師講

聖諭以化海濱闡理學而開石室得其門者菁莪載詠薦於鄉者

桃李聯芳修 文廟以率諸生兩廡賴倡捐之力創試院而
請并考三屬免跋涉之艱督疏郭外新渠總纂郡中佳志溯
自戊午之歲迄乎丁卯之春災區奉檄於頻年
聖澤均霑夫實惠辛勤致疾師儒堪比勞臣黽勉宣

恩撫字何殊循吏洵屬教官所罕見不獨士林之文宇與頌如新
衆情允協生等前曾合詞籲請蒙

陞任巡撫部院陶 咨商 督憲會

題道光六年八月間奉

調任總督部堂琦 憲駁以循分供職之員未能概請入祀

且原呈內稱為千秋理學正宗百代醇儒極則未免過當等
因在案生等又於道光十一年謹授嘉慶十四年浙江

題准已故開化縣學訓導費我仁從祀名宦成案再行籲請蒙

陞任巡撫部院程 憲批以循分盡職難以即准今蒙

宮保總督部堂陶 憲批飭令如有出衆事蹟另行具詳各

在案生等遵查海州向為積歉之區翁故宦疊次奉檄查辦
災務卓著清勤積勞致疾而卒又建議創立試院并自捐五
年俸銀為紳士倡經營工役始終其事核對浙省

題准成案翁故宦事蹟較為出衆似非循分盡職者可比伏懇

翁故宦遺澤在人久而益著生等公核事蹟輿論僉同惟翁
故宦之子名心存者現任翰林院侍講雖非九卿究與尋常
題請者有間合并聲明謹再援浙江

題准成案公懇據情轉詳俯采公論用報成勞得申蘋藻之虔
大慰士民之望謹呈等情並具切結前來早學看得已故學
正翁 職膺司鐸循分而無逾分不邀名譽渾忘出眾之
稱守官而不侵官善贊謀猷全化居功之習成已成物教以
正俗為先任怨任勞事以救荒為大此即該故學正實在之
心亦即該故學正實在之政以實心行實政既享士望允愜

輿情實至名歸非循分盡職者所可比官早績顯較乘權藉
勢者為尤難洵屬不愧前賢並可用風有位今復准公呈前
來理合取具廩增附生甘結加具印結造具事實清冊備文
申送仰祈

憲臺鑒核加看轉詳深為德便為此叙由另冊具詳伏乞
照詳施行須至詳者

計申送

事實冊結各十套

道光十二年七月

三十

日申

道光十二年八月十四日海州知州伍

核看得已故學正翁

本孝友以傳家敬凜鯉庭之訓由

芸窓而奮迹堪膺鱣座之班一律推仁鄉里溥哉綏之澤五
經課士瀛洲聯翰苑之榮東郭開渠陸運咸歸平蕩黌宮修
葺菁我允藉甄陶政教兼全

旌揚宜及茲據廩增附各生呈請由學具呈前來早職採訪
無異合將送到事實冊結具文轉詳

批已加看轉詳矣希候奉到憲示另檄飭遵
准入名宦

兵部侍郎都察院右副都御史巡撫江蘇等處地方臣林則徐謹

題為德在士民請祀名宦詳請具

題事該臣看得已故海州學正翁

名傳績學用本通經躬

脩夙凜於循繩宦蹟特優於秉鐸道崇鄒魯海堧之廟貌重
新教仿蘇湖石室之人才輩出興陂竭則河開甲子利濟杠
梁志文獻則牀本春秋詳臚方策迹其情殷飢溺何殊民社
曾膺矧以譽著循良奚止師儒克副用使邦人愛慕覈名實
而允符宜邀

聖世褒揚薦馨香於勿替茲據江寧布政使趙盛奎取具冊結詳

送具

題前來臣覆核無異除冊結送部查核外謹會同兩江總督臣

陶澍江蘇學政臣廖鴻荃合詞具

題伏乞

皇上聖鑒敕部議覆施行謹題請

旨 道光十二年十一月十一日具

題

禮部謹

題為

題請入祀名宦鄉賢事禮科抄出江蘇巡撫林則徐會同兩江

總督陶澍江蘇學政廖鴻荃疏稱已故海州學正翁 名

傳績學政著循聲安徽巡撫鄧廷楨會同兩江總督陶澍安

徽學政沈維鑄疏稱已故霍邱縣知縣劉廷槐正直持躬廉

明盡職又疏稱已故宣城縣知縣陳受培持躬廉潔植品端

方江西巡撫周之琦會同兩江總督陶澍江西學政翁心存

疏稱已故信豐縣知縣武穆淳持躬謹恪奉職清勤前護理

貴州巡撫麟慶會同雲貴總督院元貴州學政陳憲曾疏稱
已故正安州吏目徐階平心懷公慎政本慈祥又疏稱已故
遵義府知府陳玉璧力行教養躬率勤勞前任貴州巡撫嵩
溥會同雲貴總督阮元貴州學陳憲曾疏稱已故黎平府知
府吳光廷經濟夙優政聲久著均請入祀名宦祠江蘇巡撫
林則徐會同兩江總督陶澍江蘇學政廖鴻荃疏稱已故陝
西道御史任大椿志潔行芳學優品粹又疏稱已故順天文
安縣主簿端木心寅孝友性成循良績懋前任陝西巡撫史
譜會同陝甘總督楊遇春前任陝甘學政戴蘭芬疏稱已故

監生楊岫植躬純粹講學精深山東巡撫鍾祥會同原任山
東學政王丙疏稱已故四川合州知州陳廷鈺篤親敬長學
富品醇又疏稱已故癸酉科

欽賜舉人韓惇賦性醇和持躬端謹均請入祀鄉賢祠各造具事
實冊結具題請

旨奉

旨該部議奏欽此欽遵抄出到部

該_臣等議得定例凡入祀名宦鄉賢者令該督撫學政秉公
確查每年八月前具題並將事實冊結送部查核又例載崇

祀名宦鄉賢應確核事跡倘名實不能相副即行指駁又載各直省舉報名宦鄉賢務核明其人生前居官政績確有裨於國計民生臚舉事實由部秉公覆核再行具題請

旨遵行如僅以人品學問空言譽美並無實跡者即行議駁以昭慎重等語今查各該省送到事實冊內開已故江蘇海州學正翁 江蘇舉人任學正時創立書院捐建議學盡心訓迪士風丕變州境濱海屢患旱澇該故員奉檄履勘務使羣黎得霑實惠歲丙寅水災尤甚乘舟渡民全活甚衆又已故安徽霍邱縣知縣劉廷槐河南舉人官霍邱縣時邑素強梗

命盜幾無虛日該故員親歷四鄉重賞嚴拏弋獲賊盜並查繳違禁器械亮匪斂迹居民安堵更能興修水利於澧河泊岸及下河口等處設法疏濬至今咸感其德又已故安徽宣城縣知縣陳受培湖北貢生由訓導洊升知縣先是宣城屢旱該故員蒞任時疏渠浚谷原委通暢並作勸農歌徧給小民俾知力穡自是歲屢有秋並力行保甲之法盜風頓戢又已故江西豐縣知縣武穆淳河南舉人任信豐縣時以地當險要易於藏姦該故員查勘形勢建立塘坊設兵巡緝行旅得以無虞信邑俗多械鬥牽累無辜該故員精于聽斷誣陷

之風頓息一時有真民父母之稱所有翁咸封劉廷槐陳受培武穆淳題請入祀名宦祠之處均屬名實相副臣等擬准其入祀名宦又冊開已故陝西道御史任大椿江蘇進士由禮部主事歷官御史幼知力學事親以孝聞撫孤甥如己子興邑向有運河年久湮塞該故員首捐挑濬漕運通行邑遇水旱分俸郵寄以贍親族尤精經義著有深衣釋例等書行世又已故順天文安縣主簿端木心寅江蘇監生考職主簿該故員純孝性生七歲喪父哀毀如成人奉母色養曲至已於道光二年舉報孝行奉

旨旌表在案待親族盡力攸年饑有鬻婦者為之贖還俾得完聚官文安時以堤工單薄捐俸增修歲久無漫決之患平生精研理學著有楷聖錄十卷足以羽翼經傳又已故興平縣監生楊岫學問以養性修身為宗旨講學關中受業甚眾興邑屢患旱災鄉民相約赴蜀該故員力為勸阻教以鑿井灌溉民受其利於親黨加意周恤時以利物濟人為己任著有幽風廣義等書均為士林傳誦又已故四川合州知州陳廷鈺山東舉人天性孝友居官以興利除弊為務修建文廟纂輯邑乘增置書院膏火及養濟院田閭閻愛戴居鄉推惠

甚廣義田義學次第舉行更能湛深經術于三禮辨晰尤精
學者宗之所有任大椿端木心寅楊岫陳廷鈺題請入祀鄉
賢祠之處均屬名實相副臣等謹擬准其入祀鄉賢祠恭候
命下臣部行文各該督撫學政遵奉施行至四川已故安徽和州
州同何飛鳳前據該督撫等題請入祀鄉賢祠經臣部行查
該省有無違碍處分現尚未據咨覆應俟查覆到日再行辦
理又前護理貴州巡撫麟慶請將已故正安州吏目徐階平
已故遵義府知府陳玉璧又前任貴州巡撫嵩溥請將已故
黎平府知府吳光廷等均入祀名宦祠山東巡撫鍾祥請將

已故歷城縣舉人韓忞入祀鄉賢祠臣等查冊開事實俱係
循分應為之事並無實在事蹟所有徐階平陳玉璧吳光廷
入祀名宦祠韓忞入祀鄉賢祠之處應毋庸議再此本向歸
彙題合并聲明臣等未敢擅便謹

題請

旨

禮部為知照事儀制司案呈禮科抄出本部彙題江蘇等省
故宦翁咸封等入祀名宦鄉賢祠一疏於道光十三年十二
二月十六日題本月十八日奉

旨依議欽此欽遵到部相應抄錄原題知照該學政遵照辦理可
也須至劄者

右劄江西學政准此

道光十三年十二月

二十

日

主政吳

道光十四年三月

初六日

到

國



本
今
藏

